

## Ang Bag-ong Pagkatawo

*San Juan 3:1-8, "...Ayaw ikahibulong ang akong pag-ingon kanimo,  
'Kinahanglan nga iganak kamo pag-usab...." (V. 7)*

Patalinghugi kung unsa ang gisulti sa profeta sa Dios mahitungod niini:

Nasayud kita nga ang daan nga binhi kinahanglan mamatay, sa dili pa ang bag-ong binhi mogula gikan sa daang binhi, **kinahanglan nga madunot kini, sa pagkatinuod, dili lamang mamatay, apan madunot human mamatay kini.** Nahibalo kita niana nga tinuod. Mao kana ang sama ra nga butang sa bag-ong pagkatawo. **Kita dili gayud mobalik, apan kita mopadulong sa unahan sa dihang kita natawo pag-usab..**

Ug mao kana nga ako naghunahuna karong panahona nga kita **walay daghan kaayo nga tinuod nga mga bag-ong pagkatawo,** tingali mosimpatiya sa Pulong kon sa tawo, **apan dili sila buot nga madunot gikan sa daan nga sistema nga diin anaa sila.** Dili sila buot nga mogula gikan niini. **Buot sila nga magpabilin sa daan nga sistema ug moangkon nga bag-ong natawo kon sa mensahe sa kapanahonan.**

Atong nakaplagan nga sa ilalum ni Luther, Wesley, mga Pentecostal, ug sa tanang laing mga kapanahonan. Sila sa gihapon naningkamot nga mokupot sa daan nga sistema ug miangkon niini, **apan ang daan nga sistema kinahanglan mamatay, madunot, aron mapalugwa ang bag-o.** Sila sa gihapon buot nga mokapyot. Matikdi, nasayud sila nga ang daan nga sistema patay na, apan dili sila buot nga madunot kini. Karon, **ang pagkadunot mao nga sa tinoray natapus na kini.**

Sa dihang ang pag-angkon gihimo nga sila bag-ong natawo... Apan ang usa ka pag-angkon usa lamang ka gipanganak nga timaan; **ang pagkadunot magapalugwa sa bag-ong pagkatawo.** Kinahanglan nga madunot ka gikan niini sama sa atong nabuhat sa tanang mga kapanahonan, latas sa Wesleyan ug sa tanang uban pa... Apan ang butang mahitungod niini, human ang bag-ong pagkatawo nahimugso... Si Luther mitungha uban sa usa ka pulong: "Ang matarung mabuhi pinaag sa pagtoo" (*Rom. 1:17*). Buyno, dili na gayud siya makakapyot ngadto sa daan nga sistema. Kinahanglan nga siya mogula gikan niini.

Ug unya sa diha nga nakuha sa mga Calvinista ang Anglican nga simbahan sa ingon nga kahimtang (sa ilalum sa doktrina sa Calvinista) hangtod nga gibangon sa Dios ang usa ka doktrina sa Arminian (nga mao si John Wesley) ... **Ang daan nga sistema kinahanglan mamatay aron ang bag-o motungha.** Ug sa dihang ang kapanahonan ni Wesley natapus ug ang tanan nga gagmay nga mga kapanahonan o mga dahon nga mogawas sa punoan sa panahon ni Wesley... Nakita n'yo, kung ang Pentecostes mogawas uban ang pagpahiuli sa mga gasa, kinahanglan silang mogawas sa mga Baptist, Presbyterian, Pilgrim Holiness, Nazareno, Iglesia ni Cristo (nga gitawag kono), ug tanan niana; kinahanglan sila nga mogawas gikan niini, madunot gikan niini, **aron modawat sa bag-ong pagkatawo.**

Sa walay pagduha-duha kita ania sa kapanahonan sa iglesia sa Laodicea. Karon, ang iyang mensahero gisaad sa Malaquias 4: 5-6. Gisaad Siya nga buhaton niya kini, ug ang Mensahe aron ibalik ang Pulong--**pabalikon ang mga tawo sa Pulong. Siya manganak sa usa ka bag-ong pagkahimugso sumala sa Malaquias 4.** [1]

Ang tanang mga butang diha sa natural nagtipo sa espirituhanon. Nahibal-an ba ninyo kana? **Ang tanan nga butang diha sa natural nagtipo sa espirituhanon, bisan unsa pa.** Sama pananglit, sama niini, sa dihang natawo kita sa Lawas ni Kristo, **adunay tulo nga mga elemento nga gikinahanglan aron maipanganak ang atong pagkatawo.** Ug kana ang tulo ka mga elemento nga migula sa kinabuhi ni Kristo sa dihang Siya namatay. Adunay migula sa Iyang lawas, Tubig, Dugo, Espiritu (*Juan 19: 33-34*). Tinuod ba? Tulo ka elemento. Ug **kana ang mga elemento nga atong naagihan sa dihang kita natawo pag-usab, pagkamatarung, pagkabalaan, bautismo sa Balaang Espiritu. Karon, kana tanan mahimo diha sa usa ka buhat, apan** kini gikinahanglan ... Apan mahimo ka nga anaa sa usa ka namatarung nga kahimtang nga wala mabalaan. Ug mahimo nimong tuohan ang Ginoong Hesu-Kristo ug magdala ka usab sa imong kahugawan. **Apan sa pagkamatuod mahimo nimong mabuhi sa usa ka namatarung ug usa ka mahinlo nga balaang kinabuhi, nga wala ang Espiritu Santo.**

[2]

Karon, **nakasabut usab kita nga ang Dios nahingpit sa tulo.** Ang grasya (Grace) lima. Pito ang pagkompleto, sama sa kalibutan. Ang Dios nahingpit sa Amahan, Anak, Espiritu Santo. Kana ang pagkahingpit sa pagka-Dios: **ang tanan nga usa ka Dios sa tulo nga pagpadayag sa tulo nga mga kinaiya o tulo nga mga katungdanan sa usa ka pagka-Dios.**

Karon, **adunay tulo usab sa kahingpitan sa mga lakang sa grasya sa simbahan: pagkamatarung, pagkabalaan, bautismo sa Espiritu**

**Santo. Kana naglangkob sa bag-ong pagkatawo.** Sama sa usa ka natural nga pagkahimugso nga gitipo niini. Nga ang usa ka babaye nga nanganak sa usa ka bata, ang una nga butang mogawas mao ang tubig, dugo, ug unya kinabuhi. Ang Biblia nag-ingon sa I Juan 5: 7, "**Adunay tulo nga nagpamatuod sa langit, ang Amahan, ang Pulong (nga mao ang Anak), ug ang Espiritu Santo; kining tulo** Usa. Adunay tulo nga adunay pagpamatuod sa yuta: ang tubig, dugo, ug espiritu; kining tulo nagkauyon sa usa. "

Karon, ang Amahan, Anak, ug Balaang Espiritu Usa ra. Dili ka makabaton sa Amahan nga wala ang Anak; dili ka makabaton sa Anak nga wala ang Espiritu Santo. Apan mahimo kang namatarung nga dili ka mabalaan. Mahimo ka mabalaan nga wala mapuno sa Espiritu Santo. Napamatud-an nato kana diha sa han-ay sa kinaiyahan. [3]

Unsa man ang Bautismo sa Espiritu Santo? **Kini ang Espiritu nga nagbautismo kanimo diha sa lawas ni Cristo** (*I Mga Taga Corinto 12:13*). **Kini ang bag-ong pagkatawo. Kini ang Espiritu sa Dios nga moabut ug magpuno kanimo pagkahuman ikaw naghinulsol, (nga nakadungog sa Iyang Pulong, (Efe. 1: 13-14; Santiago 1:18) ug nabautismohan sa tubig ingon nga usa ka tubag sa maayong kaisipan ngadto sa Dios** (*Mga Buhat 2:38; I Pedro 3: 20-21*).

**Kung ikaw tinuod nga binhi, madunggan nimo ang Pulong; ang Espiritu mobautismo kanimo ngadto sa lawas ni Cristo, nagpuno kanimo ug naghatag gahum kanimo, ug imong madawat ang Pulong alang sa imong adlaw ug kapanahonan** (*I Tes 1: 2-6*). [4]

Ug mao usab gubot ang usa ka bag-ong pagkatawo. Amen. Himuon nimo kini nga mga butang nga wala nimo gihunahuna nga buhaton nimo: motindog sa usa ka eskina ug patingogon ang tamburin, o moawit sa "Himaya sa Diyos. Hallelujah. Dayega ang Diyos! Himaya sa Diyos!" Ngano, molihok ka sama sa usa ka manyak. Ingon niana ang nahimo sa mga apostoles; mao kana ang nahimo sa ulay nga si Maria; molihok siya ingon nga nahubog. Usa siya ka gubot sa katilingban, apan nagkinahanglag gubot aron mapagawas ang kinabuhi. Amen (*Mga Buhat 1: 13-14; 2: 1-13*).

**Gawas kung adunay mamatay ug madunot, ang kinabuhi dili mogula gikan niini. Gawas kung ang usa ka tawo mamatay ug madunot diha sa iyang kaugalingon nga mga hunahuna, si Cristo dili makasulod sa iyang kasingkasing.** Kung gisulayan nimo ang paghunahuna alang sa imong kaugalingon, "Karon, kung maglakaw ako sa altar ug moingon, 'Oo, Ginoo, maayo ako nga tawo; dawaton ko Ikaw. Bayaran nako ang akong mga

ikapulo. Buhaton ko kini," **kinahanglan mamatay ka ug madunot ka diha sa imong mga hunahuna. Tugoti ang Espiritu Santo nga modumala ug buhata ang bisan unsa nga gusto Niya diha kanimo.** Pagbaton ug medyo gubot bahin niini. Makalilisang kana nga pamation, dili sagrado, apan mao kini ang kamatuoran. Kini ra ang paagi ang akong nahibal-an kung unsaon sa pagpahiluna sa butang aron mahibal-an nimo kini. [5]

Adunay isulti ako, ug buot ko nga matidlom kini, ug hinaut nga ang Dios magatabang. **Adunay emosyonal nga bahin sa gitawag kono nga iglesia sa Espiritu Santo karong panahona. Nakabaton sila ug daghang paagi sa panatisismo, ug mikalagiw gikan didto, tungod kay gisalikway nila ang Pulong.** Sila manglakaw nga mag-uban, "Oh, kami adunay usa ka maayo nga tigum. Hallelujah, hallelujah, hallelujah."

Karon, kung buhaton nimo kana, ug **dili mamunga sa bunga sa Espiritu, mamatay ka diha sa bag-ong espiritu.** Wala ka magbuhat niana kaniadto; tinuod kana. Apan ang Dios naghatag kanimo usa ka bag-ong espiritu (*Salmo 51: 10-11*). Ngano, ang espiritu nga anaa kanimo, dili makahimo bisan sa imong kaugalingon. Unsaon nimo pag-adto sa Dios?

**Mao nga kinahanglan hatagan ka sa Dios ug bag-ong kasingkasing, dili usa ka tinapakan, bag-ong kasingkasing. Mao kana ang imong mga salabutan nga imong gihunahuna, usa ka bag-ong pamaagi sa panghunahuna. Unya sa dihang gihatagan ka niya usa ka bag-ong pamaagi sa paghunahuna, "Oo, husto kana. Ang Biblia makatarunganon. Kaniadto wala ako nagatoo. Mitoo ako karon niini."** Karon, anaa ang imong dako nga kapukaw. Nakita ninyo?

Miingon sila, "Oo, sigurado nga dili ko gusto nga moadto sa impyerno. Gusto kong dawaton si Cristo." Maayo man kana. Maayo kana. Kana lang ang imong una nga lakang.

Unya Siya miingon pagkahuman niana, **"Unya hatagan ko ikaw usa ka bag-ong espiritu."** Unsa na? **Usa ka bag-ong tinguha, "Gusto ko nga buhaton ang husto."**

"Karon, nahibal-an ko nga ako usa ka Cristohanon, kinahanglan kong ... magsigarilyo pa ako ug usa pa ug unya ilabay ko kini. Magpabilin ra ako sa balay karong gabhiona, ug nahibalo kamo, ako na lang..." kining tanan gamay ra, mao kana gyud ... Si Eva mihunong ra sa makadiyot. Mao ra kana iyang kinahanglan buhaton.

Apan karon, **mao kana ang bag-ong espiritu.** Unya matikdi ang pagkahan-ay sa Kasulatan. **Pagkahuman nimo makuha ang bag-ong kasingkasing ug bag-ong espiritu, Siya miingon, "Unya ibutang Ko ang Akong Espiritu..."** Nakita ninyo? Oh, unsa? Ingon niana ang giingon sa

Kasulatan dinhi. Mao kana ang han-ay, mga numero ug sunud-sunod nga pagkahan-ay sa Kasulatan: **bag-ong kasingkasing, bag-ong espiritu, ug dayon ang Akong Espiritu** (*Ezequiel 36: 24-29*).

Ang bag-ong kasingkasing sa Dios nga gibutang Niya kanimo, gibutang sa imong taliwala. Kana ang imong pagbati, kung diin mogawas ang imong emosyon. Ug ang bag-ong Espiritu nahimutang sa sentro sa bag-ong kasingkasing. **Ug ang Espiritu sa Dios, ang Balaang Espiritu, nahimutang sa sentro sa imong bag-ong Espiritu**, ug didto gikontrol Niini ang imong emosyon. <sup>[6]</sup>

Apan adunay usa ra ka Iglesia, ug adunay usa ka paagi nga makahimo ka sa pagsulod ngadto niini, ug **kana pinaagi sa pagkahimugso. Natawo ka sa Iglesia ni Jesus Cristo ug usa ka membro sa Iyang Lawas** (*I Cor. 12: 4-30*), **sa espirituhanon nga delegasyon sa langit**. Ug ang mga timailhan nga si Cristo anaa kanimo, nagkinabuhi pinaagi kanimo.

**Mga Cristohanon, oh, kinahanglan ikaw adunay usa ka personal nga relasyon ngadto sa Dios.** Aron mahimo nga usa ka anak sa Dios, **kinahanglan nga ikaw adunay relasyon sa Dios.** Siya kinahanglan mahimo nga imong Amahan aron mahimo ka nga usa ka anak. Ug **ang Iyang mga anak nga lalaki ug babaye lamang ang naluwas, dili ang mga membro sa usa ka simbahan, apan mga anak nga lalaki ug babaye.** Adunay usa ra ka butang nga mabuhat kana; **mao kana ang bag-ong pagkatawo.** Ang bag-ong pagkahimugso mao ra ang butang nga makahimo ug relasyon sa Dios. Tinuod ba kana? Mga anak nga lalaki ug babaye ...

Unya kung kini mahitabo, nan "Unsa man ang atong buhaton pagkahuman kita nahimugso pag-usab?" Daghan ang nangutana kanako niana nga pangutana. "Unya unsa man ang akong buhaton, Igsoon Branham?" **Kung gipanganak ka na pag-usab, nausab ang imong tanan nga kinaiya. Napatay ka sa mga butang nga kaniadto imong gihunahuna** (*Col. 3: 2-3*).

"Buyno," ingon nimo, "Igsoong Branham, kung mosimba ako, nakuha nako kana." Buyno, pagkahuman sa giingon sa Dios nga si Jesu-Cristo mao sa gihapon kagahapon, karon, ug hangtud sa kahangturan (*Heb. 13: 8*); Giayo pa gihapon Niya ang mga masakiton; Nagpakita gihapon Siya ug mga pananawon ... "Apan, Igsoong Branham, ang akong simbahan ..." Karon, wala ka natawo pag-usab. Nakita ninyo? Dili kana mao, kay kung ang mismong Dios, kung ang Iyang Kinabuhi anaa kanimo, sama nga ikaw anaa sa kinabuhi sa imong amahan, ug kung ang mismong Kinabuhi sa Dios anaa kanimo ug **ang mismong Espiritu nga diha kang Cristo diha kanimo, sa unsang paagi**

mabuhi ang Espiritu diha kang Jesucristo ug isulat kini ug unya mobalik kanimo **ug ilimud kana?** Nakita ninyo? Dili kini mahimo. **Gitulbokan niini ang matag pulong sa ingon niini.**

Kung nahinabo kini, ang butang nga imong buhaton kaniadto, **mahibal-an nimo nga ang Espiritu nga moabut kanimo gikan sa bag-ong pagkahimugso, motoo ka ug buhaton ang tanan nga giingon sa Dios diha sa Iyang Pulong aron buhaton nimo. Ug ang tanan nga gikutlo sa Biblia nga buhaton nimo, pagatulbokan mo kini sa usa ka "Amen."** Ug dili ka mohunong adlaw ug gabii hangtod madawat nimo kini. Husto kana. Husto kana. Ug niining tanan nga panahon, sigurado nga labaw ka sa tanan nga namunga sa bunga sa Espiritu (*Gal. 5:22*).

Moingon ka "Mosult ba ko ug mga dila?" **Mahimo nimo kana, ug mahimo nga dili. "Mosinggit ba ako?" Mahimo nimong buhaton kana; mahimo nga dili. Apan adunay usa ka sigurado nga butang nga imong buhaton. Magapamunga ka sa bunga sa Espiritu; ug ang bunga sa Espiritu mao ang gugma, kalipay, kalinaw, pagtuo, pagkamainantuson, kaaghop, kalumo, pailub.** Ang imong kasuko dili... Hinumdumi gayud, kung nakuha nimo kana, kana makahilo sa Balaang Espiritu pahilayo kanimo. Kita n'yo? **Kung makaabut ka sa usa ka lugar nga gusto kang makig-away sa tanan nga imong maabtan, adunay usa ka butang nga dautan.** Kung makaabut ka usa ka lugar diin ang usa ka ministro mobasa gikan sa Biblia nga sayup ang pagbuhat sa usa ka butang, hinumdumi gayud, wala'y bisan unsang Cristiyanismo diha. "Pinaagi sa ilang mga bunga maila ninyo sila," mao ang giingon ni Jesus (*Mat. 7: 15-20*).

Kung mao kini ang Pulong ug gisulti sa Dios sa ingon niini, **nga ang Espiritu nga anaa kanimo makasagubang sa maong Pulong sa matag higayon,** tungod kay ang tinuud nga Balaang Espiritu mosagubang sa Pulong, tungod kay ang Pulong mao ang Kinabuhi ug Espiritu. Si Jesus miingon, "Ang Akong mga Pulong mao ang Kinabuhi" (*Juan 6:63*). Ug kung imong nabatongan ang Kinabuhing Dayon, ug Siya mao ang Pulong, sa unsang paagi ikalimod sa Pulong ang Pulong? Nakita ninyo? Unsang matanga sa pagka persona ang imong buhaton nga Dios? **Usa kana ka butang nga mahibal-an nga ikaw usa ka Kristiyano, kung ikaw hingpit nga mouyon sa matag Pulong sa Dios, ug makaplagan nga imong gihigugma ang imong mga kaaway** (*Mat. 5: 43-48*).

Ayaw paghimo ug kasamok. Kung nagkagubot ang pamilya, ayaw pagduyog kanila. Karon, ayaw paghimo ug kasamok. Nakita ninyo? **Ang kasuko moani ug kasuko. Ang nahauna nga butang nga nahibal-an nimo nga imong gipasubo ang Balaang Espiritu pahilayo kanimo** (*Efe. 4:30*) ug

masamok ka. Pagkahuman ang Balaang Espiritu mopahilayo. Husto kana. Ang kasuko moani sa pagkasuko, ug ang gugma magaani ug gugma. Magpapuno sa gugma. Si Jesus miingon, "Ang tanang tawo makaila nga kamo nga tinun-an ko pinaagi niini, kon kamo maghigugmaay ang usa sa usa." Kana ang bunga sa Balaang Espiritu: gugma (*Juan 13: 34-35*).

Ug nahibal-an ba nimo, ikaw usa ka gamay nga magbubuhay sa imong kaugalingon? Nahibal-an ba nimo kana? Tinuod. **Buot nimo nga makita ang mga tawo nga imong ginahigugma nga maana duol kanimo; dili nimo nahibal-an kung ngano, usa lamang nga mahigugmaon nga matang sa tawo.** Wala ba nimo nakita kana? Gusto ka nga maana duol kanila. **Gihimo nila kana nga kahintang pinagi sa kinabuhi nga ilang gikinabuhi, ang paagi sa ilang pagsulti, ang ilang paggawi.** Unya imong nakita sila nga sa matag higayon nga imong likayan sila. Sa tanan nga higayon nga gusto nila nga maghisgot bahin sa usa ka butang daotan, ug mag-istorya bahin sa usa ka tawo, ug moingon, "Oh, tan-awa, ania sila miabut, sila nagasaway sa usa ka tawo. Ania siya karon; siya maghisgut bahin niini nga tawo. Ilang buhaton mao ang pagsulti sa hugaw nga mga pagbiaybiay, o butang bahin sa mga babaye, o ingon niana. "Masuko ka nga makig-uban kanila. Nakita ninyo? Naghimo sila niana. **Daw nindot kaayo nga mga tawo, apan gibuhay nila kana nga kahintang. Ug ang mga butang nga imong gihunahuna, ang mga butang nga imong gibuhay, ang mga aksyon, ang mga butang nga imong gihisgutan nagmugna sa usa ka kahintang ...**

**Ipakita kanako kung unsa ang imong ginatan-aw, kung unsa ang imong ginabasa, ug ang klase sa musika nga imong gipamati, ang mga tawo nga imong gikauban, ug isulti ko kanimo kung unsang klase sa espiritu ang anaa kanimo.** Nakita ninyo? Oo.

Nadungog mo ang usa ka tawo nga moingon, "Buhata ang ingon-ug-ingon kanako? Kana nga pundok sa ..." Hinumdumi gayud, dili ako manumbaling kung unsa ang iyang isulti; **ang iyang lihok nagsulti nga labi ka kusgan kay sa bisan unsa nga iyang isulti.** Makahimo siya sa pagpamatuod, moingon nga siya usa ka Kristiyano (Oo.), Ug tingali mobuhay ug bisan unsa, **apan bantayi lamang ang matang sa kinabuhi nga iyang gikinabuhi. Kana motug-an kung unsa siya.** [7]

Tugoti ako nga isulti kanimo; ayaw lamang pagpasakop sa simbahan karon. Dili kana magsilbi. **Kinahanglan nga matawo ka pag-usab, dili usa ka emosyonal nga paglihok, dili gamay nga butang nga imong ginasulti, "Buyno, nagsinggit ako. Nagsulti ako ug mga dila. Gihimo ko kini, kana, o uban pa." Sa dihang ikaw adunay tinuoray nga mahinulsolon nga kasingkasing, adunay moabut nga pagbag-o kanimo, ug ikaw mahimong**

**usa ka bag-ong binuhat diha kang Cristo Jesus, imong gidawat ang Persona, si Cristo Jesus (*Juan 1: 12-13*), sa dihang ang daan nga mga butang mamatay, ug ang bag-ong mga butang gipanganak. pag-usab; gihimo nimo nga tama ang mga butang, nga ikaw nakasala; gihigugma nimo ang imong mga kaaway; nag-ampo ka alang sa mga tawo nga nakigbatok kanimo. Mao kana sa dihang Kristohanon ka na. Ang kahoy mahibal-an sa bunga nga gipamunga niini.** [8]

Sa San Juan 12: 20-25 nakita nato ang mga Griego gusto makigkita kay Jesus. Wala nila Siya makit-an sa Pasko, wala nila Siya makita sa pila ka organisasyon, wala nila Siya makita diha sa pipila ka kredo; Wala gyud niya kini gitudlo. Nakuha ba ninyo kana? **Apan gitudlo Niya sila sa krus aron mamatay, aron mamatay. Ang tinuud nga mga disipulo moingon, "Kinahanglan nga ikaw mamatay." "Giunsa nako pagkahibalo kung patay na ako?" Kung imong giila ang tanan niini nga Pulong nga mao ang Kamatuoran, nan ang Pulong nagsugod sa pagpuyo kanimo.**

Sama sa giingon ni Jesus, **"Sa matag higayon nga imong dawaton kini nga Pulong, kini nga Pulong igapadayag diha kanimo. Mobuhat Kini ug mao ra nga butang nga giingon Niini nga buhaton kanimo."**

Oh, daghan ang misulay karon sa paghupot sa ilang Kaugalingon ug magpadayon sa imong kaugalingon nga ideya, "Nakabaton ako ug akong pamaagi niini. Mitoo ako niini." **Apan dili nimo makaplagaan si Cristo hangtod mamatay ka sa imong kaugalingon ug modawat Kaniya, ang Pulong, unya makaplagaan nimo ang Kinabuhi.** [9]

Tungod niini si Jesus miingon, "Kinahanglan matawo ka pag-usab." **Aron mahimugso pag-usab, tugotan nimo ang imong kaugalingon nga mamatay ug ang Espiritu ni Cristo mosulod kanimo. Unya dili na ikaw; kini si Cristo anaa kanimo, ang Balaang Espiritu.** Si Pablo miingon, "Mamatay ako adlaw-adlaw (*I Cor. 15:31*); bisan pa nabuhi ako, dili ako, apan si Cristo nabuhi sa sulod kanako" (*Gal. 2: 19-20*). Nakita ninyo, si Kristo... [10]

Karon, nag-ingon sila, "Ang labing sobra nga relihiyon ang makapabuang kanimo." Sobra ra nga daotan nga butang ang makapabuang kanimo. **Apan ang relihiyon ni Jesus Cristo, kung nabuang ka, nagbutang kini kanimo sa imong husto nga hunahuna. Nakita ninyo? Dili ka husto hangtod nga natawo ka pag-usab. Dili husto ang imong panghunahuna hangtod nga natawo ka pag-usab. Ang usa ka tawo wala sa iyang husto nga**



**kahimtang hangtud siya natawo pag-usab.** Siya usa ka mananap sa kasing-kasing, hangtod nga siya natawo sa Espiritu sa Dios, ug **ang espiritu sa kinaiyahan gikuha gikan kaniya, ug ang Espiritu sa Dios nagbutang sa Iyang dapit aron maghari. Kana ang nagmando kaniya ug naggiya kaniya sa tibook nga kamatuoran ug kahayag (Juan 16: 9).** Husto kana. Ug kung ang usa ka tawo dili mobuhat niana, sa walay pagkahibalo niana nga impyerno ang iyang padulngan, adunay sayup sa iyang hunahuna. Ngano, nga dili kini madawat sa mga tawo? Ngano man? **Nagdumili sila sa pagkuha sa tambal sa doktor, ang bag-ong pagkatawo.** [11]

Karon, ang mga **bakak nga magtutudlo magadala ug mga bakak nga pagpanganak. Ang tinuod nga mga propeta magadala sa Pulong, ang pagkatawo sa Pulong, si Cristo.** Ang mga bakak nga mga propeta manganak sa bakak nga pagpanganak, ang pagkatawo sa mga simbahan, ang pagkatawo sa mga kredo, ang pagkatawo sa mga denominasyon. Ug ania karon, igsoon nga Pentecostal, **sayup nga mga pagbati, ug giingon sa usa ka tawo nga nabatonan niya ang Espiritu Santo tungod kay nagsulti siyag mga dila.** Nakita nako ang mga demonyo nga nagsultig mga dila, mga lapis walay naggunit ug nagsulat sa langyaw nga mga sinultian. Wala kana magpasabut sa usa ka butang. Nakita ninyo, **kinahanglan kini nga usa ka kinabuhi: pinaagi sa ilang bunga maila nimo sila.** "Igsoong Branham, nagatoo ka ba pagsultig mga dila?" Oo, sir. "Nagtuo ka ba sa pagsinggit?" Oo, sir. Aron mahimong usa ka Kristiyano, nagtuo ko niana. Nagatoo ako sa Pulong sa Dios. **Apan kung wala ang kinabuhi aron sa pagpamatuod niini...**

Gawas didto usa ka giputos nga kamiseta, "Himaya sa Dios, hallelujah," ug unya sultihi ako nga mao kana si Cristo? **Si Cristo mapainubsanon, maaghop, ug malumo.**

Ug pamati, karon adunay akong isulti dinhi; Gusto ko nga maminaw kamo. **Kining sayup nga mga panghunahuna (Nahibalo ba kamo kung unsa ang sayup nga panghunahuna?) Nagdala sa milyon-milyon nga mga tawo sa usa ka sayup nga pagpanganak. Ang mga sayup nga magtutudlo nagtultol sa mga tawo nga motuo sa usa ka pagbati, "'Tungod kay mikurog ka, nabatonan nimo Kini.** Oh, tungod kay nakabaton ka usa ka tinuod nga makahaladlok nga pagbati nga miabut kanimo, nakakita ka ug mga kahayag sa imong atubangan, ug nawad-an sa panan-aw ug ninggahi, mao kana ang kupo ni Elias nga gisul-ob kanimo. Husto kana, nabatonan nimo Kini, Oh, nahibal-an mo kung unsa ka? Ikaw usa ka napadayag nga anak sa Dios. "Asa nimo makaplagan ang imong kaugalingon? **Napildi.** Husto kana. "Himaya sa Diyos, miadto usa ka gabii ug nagdamgo ako." Oh,

oo. "Oh, nakita ko kini, kana..." Oo. "Wala ka ba nagatoo sa mga damgo?" Oo, sir, sa pagkatinuod. **Apan kung kana nga damgo dili mapamatud-an sa Pulong sa Dios, nan kini sayup.** Mao kini ang Kamatuoran dinhi; pagpabilin dinhi Niini. Oo, sir. **Dad-a ang milyon-milyon sa bakak nga pagpanganak, hunahunaa gayud...**

**Kung gipanganak ka sa Dios, nahugasan ka sa tubig sa Pulong (Efe. 5: 25-27), nahimulag sa mga butang sa kalibutan, ug nagtuo sa Dios.** Ikaw namatay. Namatay ka sa imong kaugalingon nga panghunahuna, patay sa imong kaugalingon nga mga ideya, **patay ngadto sa tanang butang gawas sa Pulong sa Diyos (Col. 3: 1-4); Nagpuyo kini kanimo, nagbuhat pinaagi kanimo,** nagpamatuod nga kini Pulong sa Dios. Moingon ka, "patay na ako sa kalibutan. Patay na ako sa kalibutan, Igsoong Branham." Ug gipanghimakak ang Pulong sa Dios?

Si Jesus miingon, "Kini nga mga ilhanan maganunot sa mga mingtoo." Karon, moadto kita kung unsa ang ipasabot sa pagkatawo pag-usab. Nakita ninyo?

**Sa gihapon adunay kasuko, nagpasabut gihapon, mapahitas-on, adunay nagsulti bahin kanimo, dayon andam ka nga makig-away, unya natawo sa Espiritu sa Dios? Dili. Dili ingon niana ang Espiritu sa Dios. Dili. Ang Espiritu sa Dios mapaubsanon, maaghop, matam-is, hataas-nga-pailub. Mao kana ang Dios. Mahigugmaon, mabination, mapasayloon, kana ang Espiritu sa Dios. Oh, oo.**

Apan ilang gihuptan kana nga denominasyon, ug nagsultig mga dila, managna, buhaton ang tanan nga mga matang sa mga buhat. Si Jesus miingon nga buhaton nila kini: "**Nakabaton ug dagway sa pagka-diosnon**" (*II Tim. 3: 1-5*). Mikupot ngadto sa denominasyon kay kana ang ilang amahan; natawo sila nianang amahan nga denominasyon. **Apan kung gipanganak ka sa Dios, mao Kini ang imong Amahan; Siya ang Pulong, ang Pulong.** Dili igsapayan kung pila ang imong gibati, sa gihapon usa ka anak ni Satanas hangtod ikaw mamatay sa kalibutan ug buhi diha kang Kristo.

Ang usa ka kalag, maayo o daotan, ang kamatayon dili makabag-o niini. Unsa man ang kalag? **Ikaw kini. Ikaw usa ka kalag, ang bahin sa sulod nimo.** Ug kung ikaw mamatay, bisan unsang dagway ang naa sa kalag, mao kana ang paagi nga kini moadto. **Moadto kini sa iyang destinasyon.** Dili nimo mabitad kini bisan kung unsa ang imong buhaton alang niini; **kana nga kalag kinahanglan mausab dinhi, natawo pag-usab.** [12]

Ayaw pagsulay nga magbaton ug bisan unsang pagbati o bisan unsa aron makuha ang dapit sa Balaang Espiritu. **Pag-abot sa bag-ong pagkahimugso, ikaw nausab. Dili nimo kinahanglan buhaton ang bisan unsa aron pamatud-an kini, gipamatud-an kini sa imong kinabuhi.** Samtang nagalakaw ka, ang imong gugma, kalinaw, pailub, kalumo, kaaghop, pailub, mao kana kung unsa ikaw. Ug nakita sa **tibook kalibutan ang salamin ni Jesus Cristo diha kanimo.**

Karon, pagsultig mga dila, nagasinggit didto, kana lang mga kinaiya nga nagasunod niining matang sa kinabuhi. Ug mahimo nimong makuha ug sundogon kini nga mga hiyas ug dili gayud makabaton niana nga Kinabuhi. Atong nakita kini. Pila ang nahibalo nga kana tinuod? Segurado, sa pagkatinuod. Tan-awa, makita nimo kini tanan sa imong palibot.

Mao nga, wala'y giingon nimo nga ebidensya sa Espiritu Santo, **gawas kung kini imong kinabuhi nga imong gikinabuhi. Karon kung gusto nimong mosultig mga dila, hingpit kana nga maayo kung imong gikinabuhi ang kinabuhi aron mapamatud-an kini.** Husto kana. Ug kung gusto nimo magsinggit, maayo, maayo kana. Nagasinggit usab ako, usahay malipay kaayo nga halos makasul-ob og pares sa sapatos, gusto ko molukso. Ug nindot kana. Mituo ako niini. <sup>[13]</sup>

Reference:

- [1] "Birth Pains" (65-0124), par. 76-81, 170-171
- [2] "Demonology - Physical Realm" (53-0608A), par. 56-57
- [3] "The Seed Is Not Heir With The Shuck" (65-0218), par. 48-50
- [4] "Smyrnaean Church Age", CAB pg. 154
- [5] "The Ephesian Church Age" (60-1205), par. 96-97
- [6] "The Impersonation Of Christianity" (57-0120M), par. 110-114
- [7] "Is Your Life Worthy Of The Gospel" (63-0630E), par. 137-153
- [8] "Their Eyes Were Opened" (57-0421E), par. 88
- [9] "Sirs, We Would See Jesus" (61-1224), pg. 15 + 30
- [10] "The End Time Evangelism" (62-0603), par. 57
- [11] "Why" (60-0309), par. E19, E25
- [12] "You Must Be Born Again" (61-1231M), par. 129-131, 107-111
- [13] "Hebrews Chapter 5&6" (57-0908M), par. 138-140

---

S Gipadayag nga Pulong niini nga takna, gihugpong ni: Gerd Rodewald, Friedenstr, 69, D-75328 Schömburg, Germany. [www.biblebelievers.de](http://www.biblebelievers.de), Fax: (+49)72 35 33 06

Gihubad gikan sa English ngadto sa Cebuano ni Brother Sammy Durano, 319-A, Purok Maunlad, Buayan, General Santos City, Philippines. Cp # +63919-898-5252, +63926-036-3663

---

*Adunay moabut nga magadala sa Mensahe nga gikan gayud sa Biblia, ug sa dinalian nga tahas molibut sa kalibutan. Ang mga binhi mabutang sa mga pamantalaan, basahong mga butang, hangtud ang tanang gipili nang daan nga Binhi sa Dios makadungog Niini. [Si Brother Branham sa iyang "Conduct-Order-Doctrine" pahina 724]*